

◎十一月二十七日第七十二號◎
代論 ▲追錄中俄東清鐵道條約
譯件 ▲火柴專賣問題
要聞 ▲中日簽約消息 ▲錦州煤礦之糾葛 ▲電
飭注重邊防 ▲請開于闐金砂礦 ▲上海大鬧
公堂案五誌
各省新聞 ▲諸暨教案紀實 ▲西華嶺開礦有期
▲電催漁業賽會
各國新聞 ▲美總統議廢日工禁約
奏議 ▲豫撫陳奏酌保拿獲匪出力各員擇尤
請獎摺

代論

追錄中俄東清鐵道條約

按東清鐵路關係吾中國者至重且鉅。當時約稿甚為秘密。民間無從窺測。以至言人人殊。值此中日談判之時。正當令吾國人了然於舊約之利害。是亦有言論者之責任也。右稿係由東友處獲得。惟皆譯成和文。茲特再就和中文轉譯漢文。其中語氣相去當不甚遠。爰登之報端。以供衆覽。爲留心東省事件者之一助焉。(俄)

第一條 依一千八百九十六年八月二十七日。清國政府與俄國銀行締結之條約。以布設由清國境內黑龍江省西界之一點。達吉林之東界或一點之鐵道。及營業之目的。組織會社。此會社稱爲東清鐵道會社。本鐵道之兩端。可與俄國鐵道之後。加爾各答及烏蘇里線在清國境內連通。
本社得清國政府之許可。在清國境內得與鐵道業相關連。或別鐵道業與獨立之礦業。工業。商業。以及炭坑開採等業。但當此等之業。與鐵道業相分離時。當別具賬簿。
本社組織之任。由俄清銀行當之。本社成立後。以上所記一千八百九十六年八月二十七日之條約內。凡關於鐵道布設及營業之權利義務。即由俄清銀行轉移本社。
本社成立。由俄國中央銀行與大藏大臣訂立合同。支付第一次股本。此股本無論如何。由本程確定之日起。在二月內完結。
以後之股本。漸次推行。自本社成立之日起。限一年內悉行交清。
本社株式之所有權。以俄人及清人爲限。
第二條 本社依與清國政府所訂之條約。自全線開業後八十年間。本線爲本社所有。

第三條 東清鐵道會社。遂行其計畫後。以俄國政府爲本社之收支。及社債券之保證。因是本社在營業年限中。對於俄國政府承擔左之義務。
本社因保貨客之安全及愉快。並使搬運不絕。具備一切鐵道附屬物及車輛。爲本社之任務。
本社設備搬運器。在俄國之連絡線適用搬運力。
往復俄國鐵道後。加爾各答與烏蘇里線間之各種列車。本社當接續之。決不遲滯。必送達其所到之地。
不問貨客。凡直行列車。本社皆以較西伯利亞之速度稍遲之速度送達之。
本社得沿全鐵道。布設電報。且維持之。本電報與俄國鐵道電報接續。爲境界局與境界局之轉電。又包管由俄國至清國或由清國至俄國之電信。有發送之義務。決不遲滯。
將來本社之營業增加。如於貨客之運輸上。有技術的設備之不備時。由俄國鐵道應之。請求擴張時。由本社應之。如於右之必要上。兩鐵道之意見不合。東清鐵道得向俄國大藏大臣求其判決。又行右之擴張上。如資金缺乏。本社之管理役會。無論何時。得申請俄國大藏大臣。由俄國政府補助資金。

凡關於貨客及電信之轉送。當依本社與俄國政府之約定。編制規則。在營業年限間遵行。
右轉運費之最高額。在營業年限中。非經俄國政府之許可。不得變更。直行列車及電信之轉運費。於右最高額之範圍內。依本社與俄國大藏大臣之約定。再由本社管理役會規定之。
俄國政府之郵便及小包郵便。並護送之局員。本社對之。無報酬。惟備長於各乘客列車十八尺之一室。若俄國郵便局有要事時。得作爲郵便車。連接列車。
但該車之修繕保存等。除內部不由本社負擔外。運轉費用等。可由本社負擔。
以上數項。因俄國政府對於本社爲保護者。故本社至八十年間之營業年限終。以本線交還清國政府時。均拘束於右之條件。若未達本期限之前。依本章程第三十條。有將本線賣與他人之事。而前之契約。仍不減其效力。其義務與鐵道共轉移於新所右者。
又在八十年之期限間。清國政府應以本鐵道讓與本會社。而清國政府仍存續其效力。
貨物或行李。由俄領通過清國領內者。得課以關稅。內地通

過稅。及其他之諸稅。
貨客貨金或電費等。清國均可免稅。
本鐵道由俄國至清國或由清國至俄國輸出輸入諸貨物。其稅當較清國之海關稅減少三分之一。
依鐵道輸入之貨物。於未入內地之先。以輸入稅之半額。爲內地通過稅。
至不依右之辦法之貨物。凡通過地。皆可徵以通過稅。
第四條 鐵道需用之材料。由本國輸入。固無稅額。若由俄國外輸入。通過俄國海關時。可免除其輸入稅。
第五條 軌道與俄國國境同爲五尺。
本社以一千八百九十七年八月十六日起。今後即以確定之線路。交付諸地方之會社。六年以內。全線可期完成。鐵道線路必避墓地或町村等。以免中斷。
依本章程第一條。本社之鐵路。與俄領之後。加爾各答及南烏蘇里線連絡。固以節約費用爲目的。不設置停車場。有使用俄國以上兩線境界內停車場之權利。
右使用之條件。由本社與以上兩鐵道會社協定。
第六條 乘客貨物之運費及補充車費等。於第三條之範圍內。由本社自定之。
第七條 於東清鐵道線路沿途上。所生之犯罪訴訟等。依現行條約。可由俄清兩國之官吏處理。其貨客搬運之責任。請求權消滅時期。及受支付判決時受取之方法。又社會與公眾之關係等。可在社會之營業開始前。規定於制定公示之規則中。但右之規則。可準俄國鐵道規則編制。(未完)

譯件
火柴專賣問題 (譯朝日新聞)
日本政府頃以製造之特權與現今之火柴業者而課以若干之特許費。但論其目的。似非在增加歲入。而猶當於外國市場求此業之發達。蓋凡事業必任聽民間之自由競爭。而始得發達進步。乃如以上所述。其目的。縱在發達而轉施以限制之手段。則立意似甚矛盾。然政府計畫及此。則或有相當之理由。存焉。吾人欲求批評之公平。不可不先詳審其理由。茲特摘示其要旨於左。
一 凡業火柴業者。以逐年將白楊樹等軸木之原料。濫伐而不講求。植林之事。致此後恐將有原料竭盡之一日。即不竭盡。而以後之搜採。必不得不求之深山窮谷之內。則原料之價值。必將日貴。是誠爲將來業此者之所懼也。
二 以原木之供給者。與需用原木之製造火柴者。其間缺於聯絡。故一年以軸木不足。而價貴。閱一年。或又以供給過多。而使許多之軸木。徒歸腐敗。如是。則通年軸木之歸於無用。

者約總有十分之三。此非所謂暴殄天物耶。
三 當製品向海外輸出時。非但不自重其商標。而未能精選品質。且更爲濫賣。賣空。而於本國之商界上。亦實有妨害信用之弊。故如印度歐洲等火柴之販路。有逐年減縮之勢。其事非甚可驚歎乎。
四 至如內地之販賣。則由製造業者而開產。(不零售之商店。謂之問屋)由問屋而仲買。(居於買者與賣者之間。謂之仲買)由仲買而再經小賣及商人之手。轉轉不一。故在製造業者。雖以廉價賣出。而在消費者。仍不能不出高價。此實爲無謂之轉折也。今使政府稍予干涉。而以省略其間之轉折。則消費者之所出。雖不加增。而在製造業者之所獲。其利益已甚大矣。
五 以上所述。凡現今之業火柴業者。非止爲無謂之周折。濫費材料。而並毀損海外之聲譽。但其原因。總因製造家之規律不定。而如小資本之當業者。遂互自競爭。軋轢。故若使政府爲之干涉。統一而指導之。則當業者。雖負擔若干之特許費。然非獨於內地之火柴小賣市場。其價斷不至騰貴。即在海外。亦更可大擴張其販路云云。
但論現今火柴業之狀態。誠如以上當局者所言。若事情就中。如軸木之材料。逐年漸告缺乏。而價值遂日有增長之勢。實爲業此者。所不可忽視之事。且即爲此。而欲以斯業歸於少數者。之特占。亦未可斥之爲輕率。蓋以原木之濫伐。本當設法以管理之。至其餘之弊害。則不獨於火柴業。有之。即一切之貿易品。亦何獨不然。如細網製茶等之粗製濫造。往往失信。用於海外。乃識者所最爲遺憾也。且彼同業者之競爭。軋轢。費無用之資本。而消磨其努力者。爲一切產業中。常有之事。例如八百屋。雜貨舖。看屋。在一町內。必有數家。之同業者。若欲使其合爲一店。則其資本與努力。亦大可節省。矣。國家於此。將亦照以上之理由。而與以特許權乎。果爾。則純然之國家社會主義。竟至實行。而如純然之民業。將不可見其事。於國家誠有福祉。此吾人於此特許案。所以不能不爲之反對也。(應)

ANNOUNCEMENT.

請看請看

We have the pleasure to announce to our foreign friends and English speaking countrymen, that we shall in the near future insert the important news and articles in special columns of our paper in the English language.

[illegible]

久福源綢緞洋貨號

本號主開張以來四遠馳名所售綢緞均係由名廠定織片者無不贊美隨運到市同蒙綢緞頭家銀庫緞泰西各色杭蘇淮紗質地絨各色絲絨及各樣新花泰西緞泰西各色杭蘇淮紗質地庫紗花素玉蘭西紗淮地葛紗生熟官紗繡花台毯各色花素

法蘭紗併及一切洋貨不及細載所備各貨與眾不同凡蒙 光顧須認本號招牌為幸 並代售頂高台灣名席枕蓆牀蓆皆有 價廉物美童叟無欺如能夏睡此蓆所謂有益而且方便儉家買或郵寄或面售均可

◎ 法網難逃 ◎

黑搗張佩珍凌虐紅寶致死並思鳴冤一案歷登前報告白該搗始而強辯繼而聽其妍頭朱萬里唆使窩匿顯見情虛朱萬里既係妍頭不得諉爲不知此等有據有證之事一經飭提朱萬里到案著將該搗交出提同證見馬大等實訊不難追究懲辦非特移屍之罪難辭其凌虐人致死及擅報諱命失實諸端亦必難逃法網似不致再任弄舞矣除再編小說另登外先具小引于此以博衆覽

南海萍寄生告白住東馬路大獅胡同對過

報方南海上
色特大八

八大特色

一本報論說皆就目下政界學界重要問題切實研求立論必根據學理立憲一事爲今日最要問題本報持論尤多注意此點 閱者大可爲研究政法之助

一本報新聞其最重要之件隨時由訪員專電故每日必有本館特發之專電數條爲他報所未有其尋常新聞亦較他報爲確爲速

一本報於國文論說之外並有英文論說一門爲中國報界前此所未有

一本報特設白話論說一門立論明白淺顯委曲易入最便婦孺

一本報每日附印小說一頁或撰或譯不拘一定大要以開智怡情爲主其文筆雋永思想淵微大可補正言莊論所不足

一本報所登事件皆由輾轉採訪而來其中關繫政界學界重要之事甚多閱者可留爲研究政學之資料

一本報特設揮畫一門凡名人勝景及有關係之圖畫本報開期刊登以供 閱者賞心悅目

一本報設雜俎一門凡掌故遺聞清譚雅謔擇尤登載 閱者大可爲酒後茶餘消遣之具

綜斯八條皆本報獨有之特色蓋本報內容豐富以日報而實兼有旬報月報及專門學報白話報之長

天津啓文閱報社出入款清單

[illegible]

北京華新書局告白

[illegible]

救世活人

服之立見奇效。本此力得之異人所授。又不惜資本。揀頂高材。料虔心製造。久已馳名。日本今來。中國仍照前法。以爲救世。活人之計。業幹中外。什商謬爲推許。竊查立人。即年壽永。久。已馳名。日本今來。中國仍尺命。遇合。此藥。以爲救世。活人之計。業幹中外。什商謬爲推許。竊查立人。即年壽永。久。已馳名。日本今來。中國仍病之勢。轉生。創者。之非。實講。也。惟是。確益。之藥。其性。類多。燥烈。中國。又。多。滋。往。不。受。補。之。人。嘗。有。日。服。補。劑。而。其舌乾。眼昏。多飲。食。所。病。故。與。他。種。補。藥。迥。不。相。同。善。無。病。之。人。以。日。常。服。主。而。日。久。常。服。其。性。絕。不。燥。烈。而。其能滋。益。尤。大。益。者。月。虛。勞。之。人。其。腎。氣。不。足。養。育。爲。艱。甚。至。有。終。身。乏。嗣。者。此。收。生。之。神。益。大。也。但。久。服。此。藥。坐此。衰。弱。力。戒。之。必。可。惜。乎。後。患。因。而。傷。生。者。十。常。八。九。既。成。而。復。吸。之。吸。鴉。片。烟。者。其。衆。而。煙。癮。太。深。者。戒。之。甚。難。所。實。戒。煙。名。爲。戒。煙。實。則。古。吞。烟。灰。日。後。必。受。大。病。動。輒。傷。生。其。損。益。不。可。同。日。語。也。名。曰。不。老。益。壽。蓋。就。其。功。効。而。直。名。爲。戒。煙。實。則。古。吞。烟。灰。日。後。必。受。大。病。動。輒。傷。生。其。損。益。不。可。同。日。語。也。名。曰。不。老。益。壽。天津。宮。北。大。獅。子。胡。同。錦。祥。行。藥。房。白。有。之。邑。可。忽。乎。故。觀。普。善。寶。堂。樓。內。

潤肺止咳散

人之一身皆以肺爲本肺氣一燥百病叢生咳嗽雖微若緩治之則變爲哮喘肺癆難治之症此藥實稱潤肺治嗽第一良藥無論內感外發症之輕重收效如神貴官紳商須知此散藏之可以有備無患矣

天津宮北大獅胡同陞恒洋行藥房

方仙萊逢
走不
益
壽
筭

一服一百次
定價洋三元

夫自古迄今男婦貌之美者指不勝屈雖俊秀生於天姿而修飾亦由人力也此膏能潤皮膚去風塵

生香膏

樓宴觀寺晉觀外門前京北●
房藥恒陞

崇名婦科靈藥百發百中
至親骨肉須知有此靈藥

靈 一掃光 疥癬 立治 無臭 神

而愛慕雖老顏皮皺用此膏能
色返爲童顏況青年男女天姿
既美若加以修飾寧不愈見嬌
耶婦人洗面後先敷此膏後再
粉光潤細膩迥異尋常尤有要
冬令嚴寒之時用此膏敷於面
上之絕無凍裂之患如已患凍
敷之立愈此誠不可多得之妙藥

售鉛 各種 刷機 俱全

大日本鉛字公司
辦各樣鉛字
花邊并一切
張不誤紙
顧價宜
津外口道
浪開鉛字
白分花公司
謹

天津教育品陳列館廣告

津自各處學堂次第興
已有日幾月盛之象而
日用品質與教授大有
功前於天津東門外三
河口玉皇閣內設立教
館陳列館規模粗具近
來外官紳來津到各學
堂觀往往有不知敝館
者茲特將敝館住址登
報端以便各官紳前
來參觀藉聆教益謹此

◎ 氏 吳 城 桐 ◎
告 廣 書 科 教 學 律 法

乃今國論漸知趨
進政法政之學實文
進化可喜之現象
而海內譯本能
荷輸入之責任
甚鮮譯者文筆
爲學界所知此
抉摘精微曉暢
達人手一編庶
咸有法治國民
資格矣每部二
價洋一圓

文明書局寄售

利 譯
教育實用心學出版
原等泉現通房而簡國之東均一六直

書係日本高
師範教授小
又一氏所編
爲彼邦最普
之教本桐城
右親承講授
譯是書文筆
潔明暢洵吾
師範科必讀
吾本也印自
件圖繪字跡
極精美每部
定價大洋
角五分

綠官書局寄售

各省新聞

政事

◎仕學館招考改期 仕學館前限五日內令各員將報名冊彙齊候考業經出示在案茲因日期太迫遠近或未知又展限至初八日報齊候期招考計該館報名者有一百三十餘人訂額正取三十人副取三十人專課政治法政等科以一年半卒業正取今年入館副取候正取卒業再行入館每人月給膳費八兩津貼銀十二兩專取客籍在省候差人員並聞趙次帥擬於初十日親臨講堂演說所有錄取諸生均需到堂惟開學尚未有定期云 (奉天)

◎管糧通判移駐西山 蘇州管糧通判向駐常熟茲因太湖地面遼闊港汊紛歧鹽梟出沒其間勸捕難施居民不能安枕舊設之撫民廳同知駐洞庭東山未免鞭長莫及故由蘇撫奏請於西山更設靖湖廳即以現任蘇州管糧通判梁味三別駕移駐此間以資得力刻已奉飭知赴任 (江蘇)

◎彈壓飢民 本年江北各屬田稻歉收彼處貧民向有就食江南之例值此饑荒浩海遂又結隊而來惟人數太多每易肇事江督有鑒及此早已派員分投堵截不令人入境蓋以江南秋收亦屬平平斷無餘力養贍不若輩竟奔入蘇郡已在各鄉鎮搶米掘錢紛紛滋擾當經圖保飛報省垣府尊許太守急飭元和縣孫花樓大令先行分赴各鄉認真彈壓以免釀成變端 (江蘇)

◎太平洲添設保甲 距鎮江四十餘里之太平洲地方綿五百餘里係徒陽江泰等州縣兼轄之區前經蘇撫奏請移設撫民同知業奉 旨允准照辦在案惟該洲地段遼闊港汊紛歧耳目實有所難周且匪徒聚聚滋擾尤必需員相助為理現該處紳董具稟常鎮道請設立保甲專司稽查彈壓巡緝等事即經郭觀察批准撥款舉辦並札委候補知縣鮑大令孝先為總局委員前從九戴璽為分局委員均先後到差視事 (江蘇)

◎裁撤電局委員 桂省前因軍費旁午省城及全州興安三電局均添設委員一人現為節省經費起見特將添設之員一律裁撤各委員刻已回省銷差 (廣西)

◎保護遊歷英員 英國武員文格爾蘭兩君由天津赴皖遊歷上月行至鳳陽府時竟有土棍多人用石拋擊知府恩太尊聞信親自帶勇彈壓並派人護送出境該武員旋即函知英國駐華領事孫德雅君轉達皖撫中丞請即派人保護中丞當即照覆允為辦理一面札飭營縣嗣後凡遇各國官民教士遊歷到境均須遵照約章派撥兵役妥為保護以免意外虞之 (安徽)

◎小輪控案了結 英商快利小輪管輪人於月前因事與蕪湖搭客江泰和土店夥兩相齟齬該船即將機器等物自行擊毀在關道及稅務司處稟控旋經稅務司慶不君查明以該船機器等物實係自行擊毀與江泰和土店夥無涉不准理現聞

此案已和平了結矣 (安徽)

◎商辦車站碼頭 督辦安徽全省鐵路李京卿以蕪廣鐵路開工在即擬於租界內劃出六十丈為車站碼頭之用經開道童瑤圖觀察於日前商諸駐英領事孫德雅君堅不允從謂應稟候英公使核示云 (安徽)

◎諸暨教案紀實 浙江諸暨教案已紀昨報茲悉教民陳龍實因奸拐拘縣發押服毒致死由田副主教電告撫帥瑞瑞守據即轉電甯道查詢奈其中尚多不實不盡當經高觀察派鄰縣檢驗一面電稟到省原文照列於下 撫憲鈞鑒洪前接法教士伊伯鐸函稱甯紹郡司鐸急報諸暨令提學教民陳龍到案並不訊供禁錮內監不知如何肆用酷刑即於當日戕刻殞命轉請甯紹郡派員查明復查未復到十一日接田副主教來函此案府署蕭山李令到甯不准相驗一意把持屍身現向在縣將致瀕瀕請派員往驗並囑詳請憲台委幹員前往接代以期持平速結等語惟該教民因何事提案身死有無傷痕既未據府縣具稟應俟查明確實上聞旋又飭紹府迅委鄰封印官相驗提訊實情秉公斷結乃札甫續發又接函云事關人命急不可緩渠已電請憲台設法辦理且以府縣草菅人命詞甚憤怨除再電飭紹府速辦外謹先電聞英叩元印 (浙江)

◎出洋學生啓程 日昨趙次帥到師範學堂查視一切並謂出洋各學生於普通科當知其門徑倘或程度不能及格國家榮學所關爾諸生務宜戒慎毋傷國體並飭學務處於初九日再行考試次帥親臨監視以昭慎重所有師範武備正額自費各生均已到齊考畢後即於十二日啓程赴東計武備生三十人師範生五十人自費生三十人共此次出洋生一百一十人云 (奉天)

◎再續安徽留學生上誠撫師稟 (為請立法政學堂並改課吏館為仕學館事) 至於籌畫經費以全皖之財力辦此切要之公應尚可移緩就急此在我憲台當日權衡者也一白改良課吏館查現在各省課吏館多改為仕學館俱聘教習督授課程如兩湖江南江蘇皆是又本年修律大臣奏請各省仕學館內添設法律一科想見新政推行非培養吏員無以收實效惟是辦法內容與學堂稍異學生應以本省候補職官學期亦應短少以一年或半年卒業學科宜以應用為主應就各法學科目中擇要教授學生亦稍與津貼以示優異其開辦亦可斟酌各省仕學館辦法章程以上所陳不過舉大槓如蒙採擇其詳細章程自當續行條擬以備觀覽伏念帥節蒞皖以來學務軍務警務新政雲興霧集鼓舞而生等語欲以此諸者誠以法政之學開通官紳智識其影響所及收效尤在設立他種學校之上實有足與諸務相表裏者倘蒙俯如所請准予飭行則我憲台提倡盛德開宏模範水惠源惠貽不朽非徒學界之聲抑亦全皖數千萬生靈所利賴也所有懇請設立法政學堂並改課吏館為仕學館各緣由謹肅稟具陳伏乞憲台酌核施行 (安徽)

◎批示鹽民除籍與學 浙省甯紹士紳盧洪烈等稟奉商部奏准頒旨鹽民除籍設立同仁農工學堂甫經開課即被會稽縣差役逞兇滋擾因即上控復奉商部電詢問茲已辦結復行上課稟奉府尊詳報學務處當奉批示云據詳已悉鹽民除籍創立農工學堂係屬遵 旨辦理該學戶等仰沐 皇仁亟應妥籌良法薄垢滋瑕既據張正昌等稟請開校似未便阻其向學之誠至定例倡優錄卒子孫雖不准收考然並無不准識字讀書之條此次該籍子弟入學堂後出身應如何區別現當修改律例之時修律大臣自必恭摺 諭旨特定專條奉文後再行飭遵又據聲稱禁革陋規及有關祀典神誕仍令應差應即明定月數查大祀中祀均應致齋斷無演劇之理羣祀之載在祀典者速即查明詳請定立以免更得藉端拖累自來化私為公之事非有精心果力必致有名無實不侮餘寡不畏強禦是在神而明之耳總之此案以禁革陋規為入手關鍵勸導則責之學界諸人學堂列入考成責無旁貸仰紹興府即飭遵照辦查觀察請將鹽捐應解冬季之款速行提交學務處以充學費 (湖北)

◎軍事 晉省駐防旗兵原額五百名庚子後經撫憲提調少壯者改為練軍所餘兵丁率皆腐敗近奉練兵處王大臣咨行各省將軍都統城守尉挑選壯年旗丁送北洋京旗常備軍學習操演晉省因亦派遣多名於日前就道 (山西)

◎擴充校場 桂省編練新軍以南門外大校場不敷演習之用由營務處司道札委臨桂縣李大令德修會同營務處各員前往校場附近查勘地址以便擴充 (廣西)

行(完) (安徽)

◎駁復請開蘇山 甯滬鐵路行經鎮江之軌道業已興工建築所需石料為數甚鉅現洋工程師巴克賴君函商常鎮道擬用重價購買濱臨大江之蘇山開挖山石以備墊造軌道之用郭月樓觀察以蘇山為鎮江名勝之區載在縣志未便輕動已具函駁復矣 (江蘇)

◎西華嶺開礦有期 東流縣屬之西華嶺原有礦苗識者垂涎已非一日職商方時函等因該山礦質甚富遂邀同人稟請開辦經池州府縣勘驗煤苗頗露似可無庸探險遂為稟請撫院咨商部發給開礦執照以便開採而開地利 (安徽)

◎紀博山玻璃公司 候選道顧觀察思遠招股承辦博山玻璃公司刻下已運到機器建設廠廠特派唐芝田觀察前往考查觀察悉該公司機器為德國最新之件至博山所產

料質實經寄至柏林考驗亦為最上之品將來出貨必能獲利惟款項必需三十餘萬現股份祇有十五萬僅及其半聞天津近入新股十萬撫帥允添官股五萬似此則不難力圖擴充矣 (山東)

◎皖撫札藩司飭屬曉諭紳商赴義舉會文 為札行事光緒三十一年十月初四日准商部咨開光緒三十一年八月二十四日接准外務部咨稱准駐義許大臣咨稱義國明年在秘拉諸賽會請轉商部應否勸諭各商備物赴賽又准函稱秘拉諸賽會為慶賀山洞鐵道告成而設如派員前來似於路政有裨且英法等國均派員似難勒而不許等語相應抄錄文件咨送貴部查照核覆等因前來查義國秘拉諸賽會係為慶賀開鑿新鐵道落成而設該會所包甚廣而其大指尤注重運載漁業兩門其餘各項陳賽物件亦與他國大略相同該會於明年舉行外國往來貨物運至明年西三月必須交貨為期頗促會場基地亦須預定相應刷印賽會章程咨行查照迅速示諭各紳商一體知悉如有情願入會者速赴本省商務局及本管關道呈報彙齊轉詳於本年十一月以前將赴會商人名數及應用地段若干詳細報部以憑轉咨可也計章程等因到本部院准此除分行外合將章程札發到該司即便通飭各屬曉諭紳商一體知照並將章程移送支應局刻日刊刷一百本呈送以憑轉發毋違此札 (安徽)

◎電催漁業賽會 南京商務局致皖撫電 安撫台誠果帥鑒漁業賽會限於年內解滬以備陳列希速電覆 皖撫覆電南京商務局鑒來電悉漁業賽會皖省已分派委員馳赴各屬採購擬於年內彙齊解滬陳列諒不致誤此覆電 (安徽)

◎購地修築停輪碼頭 兩湖輪船公司航業日盛惟停輪碼頭及公司住屋頗為窄狹不敷展布現已購就四官殿河下毗連房屋四間以備修築碼頭之用 (湖北)

米業虧耗 武漢米業為商務之大宗近因錢價低賤貨價驟漲故外河糧食行計有二十餘家均受虧折 (湖北)

◎劫案紀聞 小南關正白旗界某佐領家於十月三十日晚突有賊匪七八名入內搜索衣服財物搶掠而去又前夜小南關天齊廟某商舖亦有賊匪三四名入室搶去衣物等件甚多以省城肘腋之下防兵巡警充溢街衢該匪竟敢如此猖獗實堪詫異至今該匪等尚未就獲業經承德縣警察局懸賞勒限嚴緝矣 (奉天)

◎海定船已回煙台 海參崴作亂時前恐華人被難長官保特派招商海定輪船往救刻聞該船於日前已回煙台 (山東)

◎輪船撞傷 由甯波至上海之北京輪船進口時與開往長江之郵陽輪船相遇因彼此閃避不及均被撞損聞北京受傷甚重尚須近岸修理始能開駛云 (江蘇)

◎設立閱報所 虞城地方僻陋李憲督大令因在該處縣學堂對門設立閱報所一區并購教科書數十種任人縱觀借以開通風氣已於日前開辦矣 (河南)

爲恭摺奏聞事竊查軍機處歷年所有漢字諭旨寄信及

